

The logo consists of the words "NAŠA STRANKA" in white, bold, uppercase letters on a red rectangular background.

Politička organizacija građana „Naša stranka“
Općinski odbor Velika Kladuša
Adresa: Sulejmana Topića bb
Telefon: **00387 60 311 6674**
E-mail: info@kladusa.je.nasa.org

Bosna i Hercegovina
Federacija Bosne i Hercegovine
Unsko-sanski kanton
Općina Velika Kladuša
Općinsko vijeće Velika Kladuša
n/r predsjedavajući, Admil Mulalić

PREDMET: VIJEĆNIČKA INICIJATIVA

Poštovani_e,

Na osnovu člana 7. Poslovnika Općinskog vijeća Općine Velika Kladuša kojim se propisuje pravo vijećnika da podnosi inicijative, koje se odnose na rad Općinskog načelnika i službi za upravu u izvršavanju zakona, drugih propisa i općih akata Općinskog vijeća, kao i na rad institucija koje imaju javna ovlaštenja, upućujem vijećničku inicijativu za **postavljanje oglasnih ploča, ploča za postavljanje osmrtnica, city light reklama i bilborda na području općine Velika Kladuša.**

O B R A Z L O Ž E N J E:

U općini Velika Kladuša ne postoje adekvatna mjesta za oglašavanja, kako komercijalnih propagandnih materijala tako ni za bilo kakvo drugo informisanje putem printanih materijala. Iz tog razloga dolazi do zloupotrijebljavanja postojećeg stanja pa se plakati i drugi printani materijali postavljaju po izlozima poslovnih prostora, kućama, stubovima ulične rasvjete, drveću i slično.

Osiguravanjem mjesta za postavljanje reklamnog, informativnog i drugog materijala na jasno označena i prigodna mjesta, izbjeglo bi se narušavanje izgleda grada i pojedinih objekata, uredio ovaj način komunikacije i razmjene informacija, te stekla imovinska korist za općinu odnosno njeno javno preduzeće. U svrhu izrade normativnog akta za ovu oblast, predlažem sljedeće smjernice:

- Oglasne ploče bi se postavljale, po potrebi, u centre mjesnih zajednica i većih naselja na području općine Velika Kladuša.
- Ploče za postavljanje osmrtnica bi se postavljale na stubove ulične rasvjete i druga adekvatna mjesta, na području svih mjesnih zajednica.
- City light reklame bi bile postavljene u centru grada Velike Kladuše.

- Bilbordi bi bili postavljeni uz magistralnu cestu Velika Kladuša-Cazin, Velika Kladuša-Bužim i uz zaobilaznicu od granice do benzinske Sudo Luka, uz prethodno utvrđivanje mjesta gdje bi takvi reklamni panoi najmanje narušavali sigurnost prometa, a i uticaj na izgled okoline.

Troškovi ovakvog projekta bi zavisili o broju ploča, citylighta i bilborda na području Općine, a kretali bi se između 50.000 i 100.000 KM. S obzirom da bi se bilbordi i city light reklame iznajmljivali tokom cijele godine, može se pretpostaviti da će se sredstva vratiti u vrlo kratkom periodu.

Uzimajući u obzir intenzitet realizacije inicijativa predloženih od strane općinskih vijećnika smatrao sam da je ovakvu inicijativu potrebno predložiti upravo sad kako bi se ista razradila i usvojila do kraja godine, a potom se uvrstila u budžet za 2022.godinu. Ne zaboravimo da je 2022. izborna godina i da će biti potražnja za ovakvim vidom promocije.

Preporuka je da se kompletan projekat realizuje preko JKUP Komunalije.

Ime i prezime: Zlatko Pajzetović
Klub vijećnika Naše stranke

Velika Kladuša, datum